



Appetit auf mehr Küche in unserer Ausstellung

7130 Ilanz
081 936 07 02

Oz ediziun gronda Surselva cun

Fegl official
Amtsblatt



DIE SÜDOSTSCHWEIZ

LA QUOTIDIANA

Redacziun: Via centrala 4, 7130 Ilanz/Glion, tel. 081 920 07 10, fax 081 920 07 15

Jürg Michel, l'um da l'economia

■ (ec) En nossa seria da candidats per il parlament federal preschaintain nus oz il liberaldemocrat Jürg Michel. Jürg Michel ha 52 onns ed è dapi il mars da quest onn commember dal cussegl nazional. El è diventà successur da Duri Bezzola ch'era sa retratg avant temp. Jürg Michel è directur da la Federaziun grischuna d'artisanadi e mastergn. Sco el di sez represchenta el l'economia grischuna en il par-

lament federal. En l'intervista cun La Quotidiana s'exprima el en favur dals fermes. Quai sajan quels che portian enavant nossa societad, perquai stuessia il stadi sustegnair quels pli ferm. Ed il parlamentari federal che vala sco il pli «nunverd» a Berna è persuerter da rinforzar la forza idraulica e cunter da construir implants da gas cumbinads.

> PAGINA 2



CARICATURA R. GIGER

Cun bandieras cotschnas

■ (sib) La Giuventetgna socialista dil Grischun ha lantschau siu cumbat electoral ch'ella numna «claramein tgietschen» a Cuera. Cun bandieras cotschnas enta maun han ils giuvens socialistas presentau la mesjamna sur Cuera lur program dil cumbat

electoral pil cussegl nazional. Sut il motto «Ils onns grass ein vargai» veglien els cumbatter cuglieners, violaders digl ambient e neoliberals, ha il menader dil cumbat electoral Dario Furger detg.

> PAGINA 15

DA GIUSEP VENZIN

■ Dapi quater onns ha K-Werkstatt l'intenziun da baghegiar a Carniec el vest da Glion sper la stizun da Coop «Bau + Hobby» ina secunda stizun gronda. Ussa para ei dad esser schi lunsch. L'interpresa culla direcziun el cantun Argovia spetga ils proxims dis la lubientscha da baghegiar e proxima primavera duei igl affittader retrer las localitads culla surfatscha da vendita da rodund melli meters quadrat. Il num dalla interpresa che venda proxima-mein ses products a Carniec vegn pertgiraus sco in secret statal. Duas stizuns grondas che vegnan en damonda ein Aldi e Lidl. Omisduas han confirmau igl interest dad arver a Glion ina filiala, mo omisduas han buca vuliu tradir sch'ellas ein propi quellas che affitteschan il baghetg da K-Werkstatt. Eurospar ha declarau che Glion seigi negin tema.

> PAGINA 3

Sco in secret statal

K-Werkstatt baghegia a Strada ina nova stizun – e negin vul tradir per tgi



La primavera proxima duei ina ulteriura stizun gronda vegnir aviarta a Carniec denter Glion e Strada. Il num dalla stizun vegn pertgiraus sco in secret statal. Ils grossists tudestgs Lidl ed Aldi ein dus candidats.

MAD

Pors da Vella ston naven

■ (mc) Ils tuffians che sortan dil menaschi da pors che Renzo Blumenthal resp. ses geniturs ha installau durant la stad en sia stalla da biestga a Vella survargan las limitas lubidas ella lescha federala davart la protecziun dall'aria. La suprazion communal ha per quei decidiu ch'il menaschi da pors stoppi vegnir dismiss entochen la fin da settember.

> PAGINA 3

Valär ha installau il «Pegliasiemis»

■ (sib) Igl artist Martin Valär da Castrisch ha realisau sia installaziun «Dreamcatcher» sut la punt denter Uors e Surcasti. L'ovra d'art consista ord ina «teila falien» cun in diameter da 42 meters ch'igl artist ha stendiu denter la punt e la val. En quella «teila falien» ferma igl artist quels dis ils siemis che la reit ha pigliau. Onn aveva il medem project fatg naufragi.

> PAGINA 5

Sensaziunal: Peider Lansel fotografava

■ (anr/map) Illa biblioteca da la Chesa Planta a Samedan as rechatta il relasch dal renomnà poet ladin Peider Lansel. I's cugnuscha sias numerusas poesias. Seis essays e sia correspundenza saran bainbod accessibels al public grazcha a la lavur da licenziat dal romanist Rico Valär da Zuoz. In connex cun sia lavur ha scuvert Valär documaints sensaziunals, tanter oter prunas da fotografias.

Per part ha Lansel fat sves las fotografias e per part tillas ha'l cumpradas. Ellas documenteschon vita e cultura engiadinaisa dals onns 1905 fin 1925. La Fundaziun per la conservaziun da la memoria audiovisuala svizra ha uossa realisà la digitalisaziun e la documentaziun da las fotografias chattadas i'l relasch da Peider Lansel.

> PAGINA 11

RECLAMA

La chasa da mobiglias en Surselva.



mobillas fry
disentis l ilanz

Servetsch d'abunents e da distribuziun: tel. 0844 226 226



CUSSEGL GROND

Nizzegiar las schanzas

(anr/hh) Il nov president dal Cussegl grond, Leo Jeker da Zezras, vul nizzegiar ses onn d'uffizi per visitar bieras valladas dal chantun e per sa scuntrar cun scolars e magisters. La scolaziun e perfecziun è per el da gronda impurtanza. En las regiuns da muntogna vesa el potenzial da svilup, surtut en il sector dal turissem, da l'economia dal lain e dal crap, ma er da l'agricultura. Las cumpetenzas-clav dal chantun stoppian dentant vegnir nizzegiadas meglier en l'avegnir. En connex cun las midadas dal clima vesa Leo Jeker pussaivladads da svilup surtut en il turissem.

> PAGINA 17

Tunnel u megra via tranter Sedrun ed Andermatt?

■ (anr/vi) Fiss la regenza pronta d'examinar ina megra colliaziun tranter Sedrun ed Andermatt? ha Vincent Augustin (pcd/Cuirà) dumandà ier en il cussegl grond. I existia il privel che la Porta Alpina vegnia messa ad acta. Ad Andermatt sa sviluppa, grazia ad in investur egizian, ina nova destinaziun turistica. La regiun sisum la Surselva tutgia tar questa destinaziun Gottard. Ma las colliaziuns da traffic existentas cun Andermatt na sajan betg idealas per il temp d'enviern. Perquai ha Augustin vuli savair sche la regenza fiss pronta d'examinar la realisabla-

dad d'ina megra colliaziun, saja quai uss in tunnel da basa per il tren u adattaziuns tar la via. Ina megra colliaziun cun Andermatt na fiss nagina alternativa tar la Porta Alpina, ha Stefan Engler respundi. Il cussegl federal decidia pir il 2012 davart la Porta Alpina. Colliaziuns cun Andermatt pudesan dentant meglieriar il contact cun la Svizra centrala. Perquai fissi en quest connex cunvegnent d'examinar sper il niz turistic er il niz economic. Plinavant dessi era variantas pli favuravlas ch'in tunnel da basa. I fiss pussaivel da slargar la purschida da la viafer, ha Engler respundi.



Famiglia chi fa marendra sül prà a Pradella. Fotografia da Rudolf Zinggler chattada i'l relasch da Peider Lansel.

MAD